



# ЯНГИ

# ЎЗБЕКИСТОН

Ижтимоий-сиёсий газета

№ 158 (1219), 2024 йил 8 август, пайшанба

www.yuz.uz f yuz.uznews yuz\_official yuz.uz\_news yuz



## ЎЗБЕКИСТОН ПРЕЗИДЕНТИ ҚОЗОҒИСТОНГА КЕЛДИ

### Ўзбекистон Республикаси Президенти Шавкат Мирзиёев давлат ташрифи билан Қозоғистонга келди.

Остона халқаро аэропортида давлати- миз раҳбарини Қозоғистон Республикаси Президенти Қосим-Жомарт Тоқаев кутиб олди.

8 август куни икки мамлакат етакчилари раислигида Олий давлатлараро кенга- шнинг биринчи мажлиси бўлиб ўтди.

Музокаралар чоғида Ўзбекистон — Қозоғистон стратегик шериклик ва итти- фоқчилик муносабатларини чуқур- лаштириш, сиёсат, савдо-иқтисодиёт,

инвестиция, транспорт-коммуникация, энергетика, қишлоқ хўжалиги ва мада- ний-гуманитар соҳалардаги ҳамкорликни кенгайтириш масалалари атрофида муҳо- кама қилинади.

Дастурга мувофиқ, Марказий Осиё дав- латлари раҳбарларининг Маслаҳат учра- шуви ва “Марказий Осиё + Япония” фор- матидаги мулоқотда иштирок этиш ҳам режалаштирилган.

ЎЗА

## ЯНГИ ҚОНУННИНГ ҲАЁТИЙ ЗАВҚИ

### Ўз уйига эгалик ҳисси миллионлаб юртдошларимиз қалбига қувонч, келажакка ишонч олиб кирди

### ИНСОН ҚАДРИ УЧУН



Халқимиз уй-жойни ватан ичра кичик ватан, дейди. Ҳақиқатан, дунёга келишимиздан тортиб, шахс сифатида камол топишимиз, фарзандларни вояга етказиш, миллий урф- одат ва тарихий анъаналарни давом эттириш, тўй қилиш, хуллас, турмуш тутгимиз, орзу- ҳавасларимиз билан боғлиқ ҳамма жараён айнан уй-жойимизда кечади.

Узоқ йиллар аҳолини уй-жой билан таъминлашга етарли эътибор қаратилма- гани натижасида ушбу йўналишда қатор муаммолар йиғилиб, юртдошларимиз- нинг ҳақли эътирозига сабаб бўлган- ди. 2017-2018 йилларга келибгина вазият ўз- гара бошлади: аҳоли тингланди, муаммо- лари ўрганилди, талаб ва тақлифлари таҳ- лил қилинди. Шу асосда бошланган улкан бунёдкорлик ишлари, халққа қайишиш си- ёсатининг уч муҳим жиҳатини шу ўринда

таъкидлаб ўтиш мақсада мувофиқ, наза- римизда.

Аввало, янги таҳрирдаги Конституция- мизда ҳар ким уй-жойли бўлиш ҳуқуқига эга экани, давлат уй-жой қурилишини рағбат- лантириши ва уй-жойга бўлган ҳуқуқнинг амалга оширилиши учун шарт-шароитлар яратилиши мустақамлаб кўйилди.

Иккинчидан, юртдошларимизга му- носиб турмуш шароити яратиш мақсадида тўрт йил олдин ипотека тизимининг бозор



тамойилларига асосланган янги тартиби жорий қилинди. Унга мувофиқ, ўтган давр- да барча манбалардан 100 триллион сўм маблаг йўналтирилиб, ҳудудларда 6 мингта кўп қаватли уй барпо этилди. Пировардида 250 минг оила янги бошпанали бўлди. Даромади юқори бўлмаган 45 мингта оилга бошлангич бадал ва фойз тўлови учун 2,4 триллион сўмлик субсидия берилди.

Учинчидан, Президентимиз “Ўзбошим- чалик билан эгаллаб олинган ер участка-

ларига ҳамда уларда қурилган бинолар ва иншоотларга бўлган ҳуқуқларни эътироф этиш тўғрисида”ги қонунни имзолади.

Яшн тезлигида тарқалган ҳамда миллионлаб одамнинг қувонч кўз ёшларига са- баб бўлган ушбу қонунни нима учун муҳим ҳисоблаймиз, унинг халқимизга тегадиган нафи қандай? Ушбу саволларга бир гуруҳ юртдошларимизнинг дил сўзлари, масъулар изоҳи орқали жавоб беришни жоиз топдик.

► Давоми 3-бетда

## Биз ва дунё

## Марказий Осиё – Япония: БАРҚАРОР РИВОЖЛАНИШГА ЭРИШИШДАГИ ЎЗАРО МАНФААТЛИ ҲАМКОРЛИК

### Ўзбекистон Президенти Шавкат Мирзиёев “Марказий Осиё + Япония” мулоқотининг 9 август куни Остона шаҳрида бўлиб ўтadиган биринчи саммитида иштирок этади.

Мазкур мулоқотга жорий йил 20 йил тўлаётган бўлиб, у Япония собиқ ташқи ишлар вазири Йорико Кавагучининг 2004 йил 26 августда Тошкентга ташрифи чоғи- да ташкил этилган. Ўтган давр мобайни- да Япония ва Марказий Осиёнинг беш- та давлати — Ўзбекистон, Қозоғистон,

Қирғизистон, Тожикистон ва Туркмени- стон ўртасидаги ушбу ноёб формат ўзaro алоқаларни чуқурлаштириш учун муҳим платформага айланди.

► Давоми 2-бетда

## Қарор ва ижро

## БИЛИМЛИ, ҲУНАРИ БОР ВА ТИЛ БИЛГАН КИШИ ҲАР ЖОЙДА ҚАДРЛИ

### ЁХУД ТАШҚИ МЕХНАТ МИГРАЦИЯСИДА ЮЗАГА КЕЛАЁТГАН МУАММОЛАР ИЛДИЗИ ҚАЕРДАН БОШЛАНАДИ?

Дунёнинг глобаллашуви миграция кўламини кенгайтирмоқда. Ўзбекистон ҳам бу жараёнлардан четда қолаётгани йўқ. Аммо узоқ йиллар давомида миграциянинг ташкилий жиҳатларига эътибор бўлмади. Хорижга кетиш истагидаги фуқаролар билан манзилли ишлаш тизими йўлга қўйилмагани натижасида меҳнат мигрантларимизнинг аҳоли қанчалик танг бўлгани бугун сир эмас.

► Давоми 4-бетда

## Маҳалла еттилиги ОЛИС ВА ЯҚИН ЧЎНҒАРА



Фарғона вилоятининг тоғлар бағридаги Сўх, Шоҳимардон сингари анклав ҳудудлари қаторида Риштон туманидаги “Чўнғара” маҳалла фуқаролар йиғини ҳам бор. Қишлоқ географик жойлашуви жиҳатидан жуда ноёб. Чор тарафи қўшни Қирғизистоннинг Боткент ва Қадамжой туманлари чегаралари билан уйғунлашиб кетган.

► Давоми 2-бетда

## Кун мавзуси ЭЛЕКТР ЭНЕРГИЯСИ: ЯНГИЛАНГАН БИЛЛИНГ ТИЗИМИ ИШГА ТУШИРИЛДИ

Шу йил августдан бошлаб юртимизда электр энергиясини ҳисоблашнинг янги биллинг тизими жорий этилиши ҳақида аввалроқ хабар берилган эди. “Худудий электр тармоқлари” АЖга юклатилган мазкур вазифа доирасида дастлаб синов жараёни ўтказилди. Август аввалида эса техник ишлар якунига етказилиб, мамлакатимиз бўйлаб янги “НЕТ Billing” дастурий комплекси ишга туширилди. Энди юртдошларимиз ишлатилган электр энергияси бўйича ҳисоб-китоб ҳамда бошқа барча маълумотларни энг замонавий усуллар ёрдамида тез ва қулай олиш имкониятига эга.



Мутасаддиларнинг айтишича, бугунга қадар амалда бўлган биллинг тўлов тизими, яъни истеъмолчиларга етказиб берил- диган электр энергияси ҳисобини юритиш амалиёти 2012 йилда жорий қилинган. Орада “ақли” ҳисоблагичлар ўрнатилиб, тизим кўшимча имкониятлар билан бойитилди. Аммо истеъмолчилар сони билан бирга маълумотлар базасига тушадиган босим ортиши янги тизимга эҳтиёжни оширди. Натижада тизим тўлиқ қайта янгиланиб, “НЕТ Billing” дастурий комплекси ишлаб чиқилди.

— Президентимиз- нинг тегишли қарори билан “Худудий электр тармоқлари” акциядор- лик жамиятига янги бил- линг тизimini ишлаб чиқи- б, 2024 йил охиригача тўлиқ жорий этиш вазифаси топширилган эди, — дейди Электр энергиясини сотишни автоматлашти- риш маркази директори ўринбосари Днёрбек Нишонов. — Жараён мураккаб ва юқори аниқлик талаб этгани боис, муайян муддат давом этди. 2022 йил охирида янги тизим бўйича техник шартлар ишлаб чиқилди.

► Давоми 4-бетда

## СТАРТАПЛАР ЗАНЖИРИ МАМЛАКАТ ИҚТИСОДИЁТИНИНГ МУҲИМ БЎЛАГИГА АЙЛанаДИ

Инновацион тараккиёт моделларини жорий этиш, илғор ғоялар, “ноу-хау” ва “ақлли” технологияларни экспорт қилиш орқали ривожланаётган давлатлар сони тобора ортиб бораётган. Зеро, инновация ва технологиялар мамлакат иқтисодиёти равангага сезиларли ҳисса қўшиши баробарида инсоният ҳаётини яхшилайдди, аҳоли турмуши сифатига сезиларли таъсир кўрсатади.



## Таҳлил

Стартап давлат иқтисодиёти учун ҳам, жамият ҳаёти учун ҳам муҳим аҳамият- га эга замонавий ҳодисадир. Тез ўсиш имкониятига эга янги ёки илгари мавжуд бўлмаган бизнес лойиҳаси инновацияни ривожлантиради, янги иш ўринлари ярата- ди ва инвестиция жалб қилади.

Бу ноанъанавий бизнес одатда инно- вацион маҳсулот ёки хизматларни ишлаб чиқиш ва бозорга чиқариш орқали муай- ян муаммоларни ҳал қилишга қаратилган. Юқори технологик ечимларга асосланган лойиҳа тезкор ривожланиш ва кенгайиш мақсадида хизмат қилади.

Инновацион келажак сари илк қадам стартап экотизimini яратишдан бошла- нади. У мураккаб тизим бўлиб, кўплаб элементларни ўз ичига олади — молия- лаштиришдан тортиб, менторлик, бўлажак мутахассисларни тайёрлайдиган универ- ситетлар ва инфратузилмагача.

► Давоми 5-бетда



ИНСОН ҚАДРИ УЧУН

ЯНГИ ҚОНУННИНГ ҲАЁТИЙ ЗАВҚИ

Ўз уйига эгалик ҳисси миллионлаб юртдошларимиз қалбига қувонч, келажакка ишонч олиб кирди

Бошланиши 1-бетда

АҲОЛИ МАНФААТЛАРИНИ ТАЪМИНЛАШГА ҚАРАТИЛГАН МУҲИМ ҲУЖЖАТ

Бугун республикада 4 миллионга яқин уй-жойнинг кадастр ҳужжати йўқ. Уларнинг аксарияти қишлоқ хўжалигига мўлжалланган, сугориладиган ер майдони балансида турибди. Тегишли ҳокимлик қарори билан уй-жой учун ер берилган, ammo кадастр ҳужжати қилинмаган.

Натижада кўпчилик ўзи яшаб турган уй-жойига эгалик ҳуқуқини ололмай, сарсон-саргардон бўлиб юрган. Аслида, ўзбошимчилик билан қурилган уй-жойларда бу қадар тушунмовчилик ва зиддиятлар келиб чиқишининг бир неча сабаби бор. Энг аввало, узоқ йиллар аҳолини арзон уй-жой билан таъминлаш бўйича етарлича ҳаракат қилинмади. Қишлоқ жойларда аҳоли учун ҳамёнбоп турар жой биноларини қуриш масаласи эътиборга олинмади.

Президентимиз имзолаган қонун фуқароларнинг муайян сабабларга кўра, қонуний расмийлаштирилмаган ер участкаларига, қурилган уй-жойларига нисбатан ҳуқуқларини эътироф этиш борасида анчадан буён қийнаётган масалалар ечимига қаратилгани билан аҳамиятли.

Мазкур қонунда кўчмас мулкларга нисбатан ҳуқуқлар эътироф этилиши белгиланди. Унга кўра, 2018 йил 1 майга қадар фуқароларнинг яқка тартибдаги, уй-жой қурган ҳолда ўзбошимчилик билан эгалланган ер участкаси ҳамда унда қурилган бино ва иншоотларга нисбатан мулк ҳуқуқларини эътироф этилади. Ушбу вақтга қадар фуқаролар ва ташкилотлар томонидан ҳужжатда кўрсатилган майдондан ортқича эгалланган ер участкаси ҳамда унда қурилган бино ва иншоотларга эса кўчмас мулкларга нисбатан ҳуқуқлар берилди.



Эътиборли томони, қонун билан "бир маргалик акция" доирасида ҳуқуқларни эътироф этиш охирига етмаган ер участкаси ҳамда унда қурилган бино ва иншоотларга (126 мингдан ортқича), кўчмас мулкларга нисбатан эгалик ҳуқуқи ҳам берилмоқда.

Ҳуқуқий ҳужжат билан бир маргалик йиғини тўлиқ тўлаган ҳамда I ва II гуруҳ ногиронлиги бўлган шахслар озод этилаётгани эътиборга молик. Шунингдек, "Ижтимоий ҳимоя ягона реестри" ахборот тизимига киритилган шахслардан белгиланган тўловнинг 50 фоизи миқдориди ундирилади. Қонунда қатор янгиликлар ўз аксини топган. Хусусан, унда яқка тартибдаги уй-жой қурилган ер участкасига бўлган ижара ҳуқуқи 1998 йил 1 июлга қадар эгалланган бўлса, барча ҳудудда 0,24 гектардан, 1998 йил 1 июлдан 2018 йил 1 майга қадар эгалланган бўлса, Тошкент, Нукус шаҳарларида ва вилоят марказларида 0,06 гектардан, қолган ҳудудларда 0,12 гектардан ошмайдиган ҳажмда белгиланган.

Яқка тартибдаги уй-жой эгалланган ер участкасининг амалдаги майдони юқорида келтирилган ҳажмдан ортқича

бўлса, ер участкасининг ортқича эгалланган қисмига томорқа ёки деҳқон хўжалигини юритиш учун ижара ҳуқуқи эътироф этилиши ҳам яна бир муҳим янгилик.

Қонуннинг асосий мақсади ўзбошимчилик билан эгаллаб олинган ер участкалари ҳамда уларда қурилган бино ва иншоотларга бўлган ҳуқуқларни эътироф этиш билан боғлиқ муносабатларни тартибга солишдан иборат. Ҳуқуқий ҳужжат матнини синчиқлаб ўқир экансиз, унда юртдошларимизнинг хоҳиш ва истаклари, орзу ва мақсадлари ўз аксини топганига гувоҳ бўласиз.

Хусусан, мазкур қонун билан ер участкаси ва унда қурилган иморатга бўлган ҳуқуқни, шунингдек, яқка тартибдаги уй-жой қурилган, ўзбошимчилик билан эгаллаб олинган ер участкасига ижара ҳуқуқини эътироф этишининг аниқ тартиблари белгиланди. Фуқаролар томонидан ортқича эгалланган ер участкасига, боғдорчилик ва узумчилик ширкатлари ҳудудидаги турар жойлар эгаллаган ер участкасига ижара ҳуқуқини эътироф

ХУДДИ ИЖАРАДА ЯШАЁТГАНДЕК ЭДИК

Яшаётган уйим қарийб етмиш йил илгари қурилган. Лекин шунча вақт ўтса-да, кадастр ҳужжати йўқ эди. Баъзан ўйлаб қолардим: уйимиз, болаларим, набираларимиз тақдирини нима бўлади? Уйингиз бўлса-ю, ҳужжати бўлмаса, турли хаёлларга бораркансиз-да... Ўзимни худди кимнингдир уйида ижарада ўтиргандек ҳис этардим.

Бундан ташқари, шу кунга қадар кадастр ҳужжатимиз бўлмагани учун мулк солигини 3 баробар кўп тўлаб келардик. Қаранг, бир неча ўн йиллар ана шундай хавотир ва ҳадик, ортқича харажат билан яшадик. Буни батафсил ифодалаб беришим қийин.

Бугун эса ҳаяжоним ўн қарра ошган. Давлатимиз раҳбарининг оқилона ва одилона сиёсати тўғрисида ўз уйимга эгалик қилдим. Яқинда кадастр идораси мутахассислари уйимизга келиб, ҳужжати тайёрлашнинг айтишларида, тўғриси, ишонмагандим. Лекин шундай бўлди: орадан бир-икки кун ўтиб, қўлимга уйимизнинг кадастр ҳужжатлари тутқазилди. Буни жуда катта қувонч билан қабул қилдик.

НИҲОЯТ УЙИМИЗ ЎЗИМИЗНИКИ БЎЛАДИ

Ҳар бир кишининг ҳаётдаги асосий мақсадларидан бири, албатта, оила қуриб, ўз уйида хотиржам яшаб, фарзандларининг бахту саодатини кўришидир.

Навоий шаҳридаги ташкилотлардан бирига ишга жойлашганимдан кейин олис Хатирчи туманидан қатнаб ишлашнинг имкони йўқ эди. Шу боис, шаҳарнинг ўзида ижарага уй олиб, яшай бошладик. Ёш оиламиз, бир фарзандимиз бор.

Бир-икки йилдан кейин, аниқроғи, 2015 йилда шаҳарга яқин жойдан уй олиш ҳаракатига тушдик. Бир оз жамгармамиз бор эди.

Ота сифатида шу уйни қонунан ўзимнинг номига ўтказиб бериш масаласи елкамда юк бўлиб турганди. Ишқилиб яқин йилларда ҳал бўлиб қолсин-да, дердим. Ниятимиз ижобат бўлиб, мана, қонун чиқиб турибди. Кўз тегмасин одамлар яхши яшаш учун раҳбарларимиз ҳаракат қиляпти.

ЕЛКАМДАГИ ОҒИР ЮК ЕНГИЛЛАШДИ

Кечки овқатдан сўнг бир оз телевизор кўроқчи бўлаётгандим, келиним "Дада, суюнчи беринг", деб қолди. Шошиб нима гап эканини сўрадим. "Ҳозиргина маҳалла раисимиз Мавлудда опа қишлоғимизнинг телеграм саҳифасига бир мълумот жойлаган экан, ўқиб чиқдим. Энди уйимизни ҳужжатлаштирсак бўларкан. Президентимиз шу тўғридаги ҳужжатни имзолабди", деди. Хайрият, ишимиз ҳал бўладиган бўлди. Келинга раҳмат айтиб, эрталаб туман марказига бориб келишни режа қилдим.

Эрта билан тўппа-тўғри кадастр идорасига бордим. Қабул қилганлар "Қонун уч ойдан кейин кучга кирди. Ушунда биринчи бўлиб сизни чақирамиз", деди. Уч ой эмас, олти ой деса ҳам кўнглим тўқ бўлиши аниқ эди. Чунки энди кичик ўғлимнинг уйи ҳам давлат рўйхатидан ўтиб, ҳужжатли бўлади. Мана шу ишга бош бўлганларга минг раҳмат. Ахир биргина бизнинг маҳаллада менга ўхшаб қачондан буён кадастр идорасига югуриб юрганлар қанча эди.

Биз, ўзбеклар шундаймиз: болачақани уй-жойли қилмагунча кўнглимиз таскин топмайди. Уйлангандан кейин ўғилларни алоҳида уйли қилиб, кейингисининг бошини икки қиламиз. Мол-қўйни сотиб бўлсам 5-6 сотих ер олиб, уй кўтарамиз. Айниқса, вилоятимизда аҳоли зич яшайди, ер олиш ҳам муаммо. Ҳужжати бўлмаса ҳам олганимиз ютуғимиз деб ер, тайёр уй сотиб олганлар кўп. Менга ўхшаб, кейинчалик ҳужжат қилиб оламан, деганлар ҳам кам эмас.

Иккала катта ўғлимнинг уй ҳужжатлари бекаму кўст. Фақат озгина томорқамиз бор. Нега йилдан буён экин экиб фойдаланиб келардик, қачондир барибир давлат олиб қўяди-да, деган хавотир бор эди. Шу томорқамиз ҳам қонунан ўзимизники бўлиб қоларкан. Ниҳоятда суюнчи кетдим. Нега десангиз, таваккал қилиб мевали қўчатлар ҳам экиб қўйган эдик-да. Улар айни мевага кирди. Бола-чақа егиси келганида, югуриб чиқиб териб келади.

Кенжа ўғлимнинг уйи ҳам 2018 йилгача қурилган уй-жойлар рўйхатига экин экин. Қилинган солиқдан, бошқа коммунал тўловлардан қардорликларни ёлғандик. Уч ойгача бизга ўхшаб кадастр ҳужжати қила олмай юрганларга тушунтириш ишлари олиб борилаётган экан. Янги қонун билан уч миллиондан ортқич ер участкасига ҳужжат бериларкан. Уч ой кўз очиб юмгунча ўтиб кетади. Ҳали айтганимдек, энг муҳими кўнгли тўқ.

Ота сифатида шу уйни қонунан ўғлимнинг номига ўтказиб бериш масаласи елкамда юк бўлиб турганди. Ишқилиб яқин йилларда ҳал бўлиб қолсин-да, дердим. Ниятимиз ижобат бўлиб, мана, қонун чиқиб турибди. Кўз тегмасин, одамлар яхши яшаш учун раҳбарларимиз ҳаракат қиляпти. Аввалги оворагарчиликлар секин-секин йўқолиб борапти. Шунинг учун юртга тинчлик тилаб, тўқинликка шукрона айтиб юрaverайлик, илоҳим!

Раҳимжон МҶМИНОВ Қўрғонтепа тумани

Гулпаршин ЗАИТОВА Нукус тумани



ҚОНУН ТАРҒИБОТИГА КИРИШДИК

Президентимиз имзолаган янги қонун бир неча юз минглаб оилаларга қувонч, шодлик олиб келди, десам, муболага бўлмайди. Чунки ер олиб, мулк ҳуқуқини қўлга кирита олмай, сарсон бўлаётган кўплаб оила борлигидан кўз юмиб бўлмайди.

Риштон туманида ҳуқуқий ҳужжати йўқ ёки тўлиқ бўлмаган 27 мингдан ортқ объект мавжуд. Қонун бу борадаги масалалар ечимот ҳамда аҳамият касб этади.

Дастлабки ҳисоб-китобларга кўра, 20 мингдан ортқ фуқаро уй-жой, бино ва иншоотга ҳуқуқий эгалликни қўлга киритади. Ўз уй-жойини қонуний расмийлаштириб, бошқа шахсга сотиш, оила аъзоларини доимий рўйхатга қўйиш ҳуқуқига эга бўлади. Мулкдорлар энди уйини таъмирлаш ёки қўшимча қурилиш қилиш учун имтиёзли кредитлар олиши мумкин, уй-жойи жамоат эҳтиёжи учун олиб қўйилган ҳолларда, қонунга мувофиқ компенсация талаб қила олади.

Айни кунда туманимиздаги 71 та маҳалла фуқаролар йиғинида мазкур қонуннинг аҳамияти юзасидан тарғибот тадбирларига киришдик.

Бахтиёржон ДАДАЖОНОВ, Давлат кадастрлари палатаси Риштон тумани филиали раҳбари

Жонибек НАРЗИЕВ Кармана тумани

Не-не машаққатлар билан қурган уйимизда бемалол яшолмадик. Оилада ҳаловат йўқ, бу ташвиш билан ишингиз ҳам олдинга силжимади. Ноилож яна шаҳардан ижарага уй олиб кўчиб чиқдик. Ўзимиз қурган уйимиз энди бузилиши аниқ, деган хаёлда тақдирга тан берган эдим. Ҳанузгача аросатда эдик.

этишнинг ҳуқуқий асослари белгилаб берилди.

Шу боис, ушбу қонун бутун халқимиз, тадбиркорларимиз ва мулк эгалари томонидан хурсандчилик билан кутиб олинмоқда. Сабаби, бундай янгиликлар тадбиркорларимиз узоқ йиллар кутган тарихий адолатни рўёбга чиқаради. Бошқача айтганда, соҳада янги босқични, янги имкониятлар эшигини очиб беради. Бу орқали бир неча юз минглаб оилага барака қиради, янги иш ўринлари очилади, камбағаллик даражаси қисқаради.

Одинахон ОТАХОНОВА, Олий Мажлис Қонунчилик палатаси депутати

Ота-онам, ака-укаларим ҳам имкон борича кўмак беришини айтгандан кейин бунга жиддий киришдик.

Шаҳардаги кўп қаватли уйлар қимматлик қилди. Шундай кунларнинг бирида танишим Кармана туманидаги бир фермер хўжалиги уй-жой қуриш учун фуқароларга ер сотаётганини айтиб қолди. Шаҳарга ҳам узоқ эмас. Бордик, гапладик ва 6 сотих қуруқ ер сотиб олдим. Ерни сотган фермер кейинчалик ерни ҳужжатлаштириб беришини ва уй қурилгандан кейин кадастр ҳужжатлари қилинишини айтди.

Энди уй-жой қуриш учун ўз ерим бор, деб эрта хурсанд бўлганимни кейин англадим. Ерни олгандан кейин қурилишни бошладик. Яқинларимиз ҳам кўмак берди. Бир йилда қурилиши якунлаб, бир-икки хонасини таъмирлаб кўчиб чиқдик.





